

Cartulaire de Marmoutier pour le Perche (N.-D. du Vieux-Château Collégiale de St-Léonard de Bellême et Prieuré de St-Martin-du-Vieux-Bellême), Nr. 170

Notum sit omnibus quod ecclesiam de Corte Loenardi integre totam, cum omnibus pertinentibus ad eam, donaverunt quondam Gunterius et Fulco sancto Martino et nobis sui Majoris Monasterii monachis. Quam cum aliquanto tempore obtinuissimus, et propter guerram nimiam aliquanto rursus tempore dimisissimus, illi resumpserunt eam et tenuerunt diutius, usquequo, Fulcone jam mortuo, cum esset in obedientia de castro Bellissimo quidam frater noster, nomine Rodulfus, per manum ipsius suam partem, hoc est medietatem de illa ecclesia, reddidit nobis Gunterius, totam scilicet integram sicut donaverat prius, excepto quodam viridario, in atrio ipsius ecclesiae, posteaquam eam dimiseramus plantato. Quam redditionem sive anteriorem donationem actorizavit Gulferius filius Americi de Condehel, et filius ipsius Gunterii nomine Normannus. Testes horum : Ipse Gulferius, Hugo frater ejus, Gaufredus frater ejus, Johannes decanus, Gauclinus clericus, Girardus de Diva, Normannus Boslenus, Teduinus homo Guidonis de Jailla, Gualterius Malfedus. Sans date. Au dos on lit ce titre en écriture du temps : De Dono Gonterii et Fulconis Cenomanensis. † Belismum.